

KOMUNA RAHOVEC



RAPORT I PUNËS DREJTORIA PËR SHËRBIME PUBLIKE

(JANAR- QERSHOR 2019)



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Administratë të përgjithshme
Odeljenje za Opštu Upravu

III- Nr. I prot. 2190 Më 16.07.2019
Br. prot. Dt. 2019
RAHOVEC - ORAHOVAC

DREJTORIA PËR SHËRBIME PUBLIKE

Aktivitetet e Drejtorisë së Shërbimeve Publike gjatë 6 MUJORIT të parë të vitit 2019

Sipas planit të prokurimit të dorëzuar në (Dhjetor 2018), DSHP ka filluar të respektojë datat e dhëna në planifikim dhe menjëherë gjatë muajit janar ka përgatitur dy projekte: Projektin për furnizim me gypa nga PVC dhe projektin për intervenime emergjente.

- Gjatë fillim vitit është mbajtur takimi i tretë me radhë i komisionit komunal për stacionin e autobusëve dhe në këtë periudhë u muar vendim për shpalljen e konkursit për bordin e këtij stacioni. Pas konkursit është formuar bordi prej katër anëtareve si dhe është shpallur konkursi për kryeshef ekzekutiv,
- Gjatë muajit janar është mbajtur debati i dytë publik, me ekspertë të komunës nga fusha të ndryshme që kanë njohuri rreth projektit të autostradës dhe pikërisht tema e këtij debati ka qenë Autostrada e Dukagjinit,
- Pas reshjeve të mëdha të borës në të gjithë territorin e komunës sonë, kemi pasur angazhime me dy kompanitë e kontraktuar nga Komuna e Rahovecit që vazhdimisht ishim në dispozicion të plotë në menaxhimin sa më të mirë të mirëmbajtjes dimërore të rrugëve,
- Kemi caktuar zyrtarin për eficiencë që do të kujdeset më shumë me grupin tjetër punues të komunës, që në bashkëpunim me organizatën Gjermane GIZ, kanë krijuar databasën për mbledhjen e informatave të mjaftueshme në terren, në mënyrë që të dalim me raporte të sakta për gjendjen e objekteve institucionale në komunën tonë,
- Më 21 Janar në Drejtorinë e Shërbimeve Publike është mbajtur takim me organizatën UNDP, ku në takim të përbashkët është kërkuar mbështetje në disa projekte në kuadër të mbrojtjes së mjedisit si dhe forma e pranim-dorëzimit të impiantit në Kramavik të KRU Gjakova, që ka qenë investim nga UNDP,
- Ka filluar puna në ndërtimin e disa segmenteve rrugore në qytet dhe fshatra. Punimet kanë përfunduar në fshatin Polluzhë e Pastasel, në rrugën "Tafil Zymberi" në Rahovec dhe në rrugën e Zaqishtit ku punimet ende vazhdojnë edhe në lagjet tjera të qytetit,
- Është bërë një ndërhyrje emergjente në rrugën Fortesë-Celinë, në sanimin e gropës së krijuar në rrugë,

- Janë dërguar kërkesa zyrtare në Ministrinë e Infrastrukturës për projektet në vazhdim, është kërkuar të ndahet buxheti i Ministrisë për marrëveshjet e bashkëpunimit që i kemi si komunë me MIT, në projektet e trashëguara nga viti 2018 dhe ato të vitit 2019,
- Në mbledhjet e mbajtura të Kuvendit të Komunës si drejtori kemi pasur dy pika të rendit të ditës, një për themelimin e komitetit konsultativ për shërbime publike si dhe vendimin për interes të përgjithshëm të pronës ku kalon traseja e rrugës tranzite,
- Janë bërë marrëveshjet e bashkëfinancimit nga Ministria e Infrastrukturës me komunën e Rahovecit për të investuar në disa projekte që kapin shifrën mbi 1.5 milion €, ndërtimi i rrugës Rahovec- Hamoc- Fortesë dhe ndërtimi i rrugës Xërxë-Sapniq-Ratkoc, këto dy projekte tashmë janë të shpallura,
- Janë përfunduar një mori segmente rrugore të ndriçimit publik, si: 2 km i ndriçimit publik në Xërxë, janë përfunduar 3 rrugë kryesore të ndriçimit publik të lagjeve në qytet, rruga kryesore në Ratkoc në gjatësi prej 1.4 km, ndriçimi publik në varrezat e fshatit Hoçë e Vogël, rruga kryesore në Dejnë, ku vlen të theksojmë, se me vetiniciativë vullnetare, janë ndriçuar edhe 7 segmente rrugore në Dejnë,
- Ka filluar projekti i trajtimit të kanalizimeve në komunën tonë dhe deri më tani llogaritet projekti më i madh i trajtimit të ujërave fekale, ku prin qyteti i Rahovecit, pastaj edhe në 16 vendbanime të tjera, janë rehabilituar disa degëzime të kanalizimeve në Ratkoc, është përfunduar një lagje në Celinë, vazhdon projekti sipas prioriteteve edhe në vendbanime të tjera,
- Është përmbyllur segmenti i ndërtimit të trotuareve në Drenoc, në Malësi të Vogël, ka filluar në Sapniq dhe vazhdon ende,
- Janë bërë disa ndërhyrje emergjente në kanalizimin e ujerave fekale në Vrajak,
- Janë dërguar kërkesa zyrtare në Ministrinë e Infrastrukturës për projektet në vazhdim,
- Kemi kërkuar nga përfaqësues të UNDP-së mbështetje të projekteve në mjedis, është organizuar një takim me përfaqësues të kësaj organizate, me datën 19 shkurt në Rahovec,
- Gjatë muajit Mars, kemi mbajtur takim me të gjithë pronarët e shfrytëzuesve të garazheve publike, ku do të merren të gjitha masat dhe do të bëhet një verifikim i hollësishëm që këto garazhe të marrin epilog,
- Ka filluar puna në mirëmbajtjen e hapësirave publike, pastrimi i varrezave si dhe pastrimi i lapidarëve dhe varrezave të dëshmorëve e të vrarëve.
- Është bërë përrurimi i ndriçimit në varrezat e dëshmorëve dhe martirëve në fshatin Hoçë e Vogël.

- Ka filluar ndërtimi i mureve mbrojtëse në komunën tonë, është realizuar ndërtimi i murit në fshatin Krushë e Madhe, lagja e komuniteteve, ku për shkak të problemeve pronësore jemi detyruar të ndërhyjmë si komunë, në Rahovec në rrugën "Asllan Kleçka"- ende vazhdon projekti,
- Është përfunduar ndërtimi i murit mbrojtës të ri tek varrezat e qytetit, dhe pritet të përfundojë projekti në tërësi i rrethrotullimit.
- Janë mbajtur diskutime publike në lagjet urbane dhe vendbanimet e komunës sonë.
- Është shpallur projekti i ndërtimit të tre udhëkryqeve me semaphore të rinj, në muajin korrik fillojnë punimet,
- Në muajin Maj 2019, është lidhur një marrëveshje mirëkuptimi në mes Ministrisë së Infrastrukturës dhe komunës së Rahovecit për projektin më të madh të komunës sonë, "Rruga 4 korsi Rahovec-Xërxë",
- Ka përfunduar asfaltimi i rrugës tranzite mbi qytet,
- Ka përfunduar asfaltimi i rrugës Krushë e Madhe-Randobravë,
- Kemi organizuar aksionin në pastrimin e hapësirave publike, është duke vazhduar projekti i heqjes së deponive inerte në komunën tonë, në kuadër të projektit për intervenime emergjente,
- Është përpiluar dokumenti që tregon raportin e investimeve kapitale për vitin 2018, ku ky dokument është publikuar në web-faqe të komunës!
- Sa i përket projekteve kapitale, dy projekte kapitale me MIT tashmë janë shpallur, rruga Rahovec-Hamoc-Fortese si dhe rruga Xërxë-Sapniq-Ratkoc, janë në procedurë të rregullt të tenderimit publik,
- Nga data 24 Maj, ka filluar aksioni për pastrimin e hapësirave publike, është duke vazhduar projekti i heqjes së deponive inerte në komunën tonë. Në kuadër të projektit për intervenime emergjente kemi bërë disa ndërhyrje, si dhe përmes organizimit të të gjitha shkollave, vullnetarëve dhe të gjitha institucioneve,
- Kemi mbajtur një takim me zyrtarë nga KRU Gjakova lidhur me disa projekte për furnizim me ujë të pijshëm,
- Kemi nënshkruar dy marrëveshje mirëkuptimi për projekte ndërmjet komunës së Rahovecit dhe MAPL-së, trajtimi i kanalizimeve dhe ndriçimi publik, si projekte të fituara (grande) në kuadër të performancës komunale, vlera e grandit është 60,000.00 euro.
- Jemi në përfundim të mbledhjes së të dhënave për ndriçim publik në kuadër të projektit për efikasitet të energjisë, tashmë janë duke u kompletuar të dhënat në databazë,

- Janë ri-dërguar kërkesat për planifikim të buxhetit në nivelin qendror për Ministrinë e Infrastrukturës, edhe 10 kërkesa janë ripërsëritur, kryesisht kërkesa për rrugë dhe Sheshin Qendror në qytet,
- Jemi në përgatitjen e fundit të projektit për parkingjet e reja në qytet,
- Poashtu jemi në procedurë për shpalljen e projektit për auto bartje,
- Në kuadër të drejtorisë për shërbime publike gjatë periudhës 6 mujore janë adresuar 178 kërkesa për çështje komunale, 83 kërkesa për objekte të përkohshme, të gjitha kërkesat e adresuara në drejtim të DSHP-së l'u kthehen përgjigje me shkrim dhe në intranet.

Sfidat e drejtorisë për shërbime publike për vitin 2019 janë:

- Kemi patur kërkesa të mëdha për rrjete të reja të kanalizimit, ndërtimit të rrugëve lokale, kërkesa për rrugë dytësore dhe të pa kategorizuara,
- Kërkesa për mirëmbajtjen e përrrenjve dhe kanaleve që gjenden në vendbanime dhe në lagjet urbane,
- Kërkesa të vazhdueshme për ndriçim publik në të gjitha vendbanimet,
- Kërkesa të vazhdueshme për ndërtim të trotuareve, në shumë vendbanime
- Mbeturinat e amvisërise që ende hidhen kudo, vend e pa vend, ku krijohen deponi ilegale,
- Furnizimi me ujë të pijshëm për zonat që ende nuk kanë ujë të pijshëm,
- Çështja e trajtimit të ujërave atmosferike në rrugët kryesore të qytetit.

Me respekt!

Përparim Krasniqi

Drejtore i DSHP-së